

新鑄海內奇觀

新鐫海內奇觀卷八

錢唐

匡廬圖說

山海經云廬江出三天子郵入江彭澤西蓋謂廬山也或又云
殷周際有匡續先生者隱居此山仙去唯廬存人因以命其山
爲匡廬匡廬無主山以高下各自雄長大漢陽最高五老次之
登漢陽四望則知此山拔地無倚自高梁迤邐而來東南北三
里據江湖之會其西則大陸群山所奔湊也南望鄱湖烟水蒼
茫輕鷗片片落星一點明鐘之巔也北望九江盡乎渝浦風帆
上下千里瞬息順流而東則石鐘大小孤山之所錯而踞也但





稱北山詠真之天問過千七百里或未必然

自南康行十里則開先寺寺倚鶴鳴峰下南唐李中主幼慕物
外問舍茲山後賜名開先寺故寺後有讀書臺臺後石壁鑄
太史七佛偈陽明先生紀宸濠事王敬美書寶墨亭亭下雲錦
樓尚錦屏山而峙上有瀑布倒挂石梁掣曳上下澹然天碧若
機絲未緯縷縷璀璨下有洗墨池右紫氣閣西南兩石笋庶利
插天爲雙劍峰如蛟龍出水芙蓉插天精光射目雙劍之南一
員阜矗立爲香爐峰每過雨返照紫烟縷縷從香爐出若有意
點綴然者鶴鳴之右水奔灑成千百縷而短曰馬尾水雙劍之
左懸挂千百丈如匹練而長曰瀑布泉二流合山峽石扇砌

中爲青玉峽出峽練飛而紺澑爲龍潭前有小石坎爲浴仙池從潭引水過石溜鑿爲泓曰龍井上有漱玉亭今廢立小石塔當之而亭其南崖石欄倚碧飛沫時上人衣袂最勝也李白云銀河倒挂三石梁今無矣寺北爲慶雲峰下爲萬杉寺惟餘龍虎巖風四字在邃壑一杉不復存東北廿里五老峰一山而四環之枕溪石竈處爲白鹿洞唐李渤馴白鹿讀書其中昇元中建廬山國學晦翁爲請賜額拓而大之與嵩陽石鼓獄龕金禮聖殿居中左右列書屋百楹以廩飄諸來學者石鑄風雲釣臺流漱石宇晦翁手跡居多洞前水自凌雲來洋洋下石峽東爲洗心橋上有獨對亭又亭獨對之上爲聞泉重山若抱古

松千樹丙夜天籟叫號如波濤起於間拉水聲度嶺去面山亭
爲高美高美西下爲大意又濯纓橋西有釣臺石稍北亭爲朋
來朋來一亭則仰在山之巔登亭眎五峰巉削橫列天表時有
白雲衣之真如五老人軒然連袂俛立下窺重湖李青蓮愛貧
勝上築焉五老南下有獅子峰東北有九疊屏屏下有三疊水
轉西南二十里爲棲賢橋三峽澗出焉兩壁峭壁水墮下百仞
聲撼山谷十里爲楞伽院又十里爲大石亭小石亭含鄱口則
大漢陽峰峰比諸山爲最高一路陡絕崎嶇無着趾處下嶺而
北路稍褒大石千百闊臥如群羊十里爲擲筆庵五里天池寺
寺前一池世稱帝釋天尊手植也西有聚仙亭以祀周顛天眼

赤脚徐道人又西岸石危立懸無底谷一老松偃蓋臥前爲丈
殊臺漏下月明有火光自空來一化爲百如亂螢落臺前是爲
佛燈臺前有白石齋後日射之五色隱起是爲佛光石上有石
浮石是爲佛舍利塔塔南下有捨身崖崖有獅子岩岩下爲錦
澗隔澗爲鐵船峰東北里許石阜卓立爲白鹿昇仙臺上有
高皇帝傳周顛碑又東北數百武石竅成洞洞上石縫參差如
指爲佛手岩岩北蒼壁巒嶧下臨不測一徑縈紆廣不盈咫望
之畫圖然路窮處爲訪仙亭亭下一石突起爲鐘皷山後隣竹
林寺三字寺隱名存風雨中時有鐘梵聲周巔蓋于此示幻云
又數里爲大林寺寺有兩寶樹昔西域僧自其土攜種之鳥雀

不栖其一爲兩龍挾風雷拔去今尚臥路側披霞亭甘露亭下爲竹林後門自攝雲亭錦繡亭鳥道百盤始抵山麓復二十里則東林寺晉遠公所開山也山門外水爲虎溪有三笑亭其牆猶鬼壘故址也門內左右爲康樂所鑿蓮池其右尚存遠造寺時木自池中溢出爲神運殿池今故在殿下遠公影堂後爲水壺泉十八賢像錦澗橋東有三疊泉九疊雲屏西有洞明醉石栗里柴桑康王谷陸羽泉白雲峰紫霄峰北有太平宮五乳峰太乙峰連華峰中有遷鶯谷青牛谷皆奇偉絕特磽磧詭怪山中氣候五月披裘三月桃始華大都比城市後一月其烟雲雨霧膚手觸石一日無慮數十變真環奇之至也

黃鶴樓岳陽樓赤壁磯圖說


黃鶴樓在武昌府鸚鵡河汀上其上漢水自西來數千里注其下雕欄畫棟阿閣翬飛祠立十二楹拓架作菱花狀山腳鑄天下奇觀四字每字方圍約數八半對晴川丹青在目視勝王爲過之巴陵縣有城陵磯有洞庭湖有岳陽樓君山島城陵爲江湖交處風檣千樹烟火萬家故之巨鎮也夏漲則江濁而湖高以清秋落則江清而湖低以洞湖盤三郡湖濤晶漾齊旱潦而視彭蠡爲深登岳陽樓望之汀白天際杳不見四山有無日月若晨昏出沒其中者時而長風鼓浪可高千屋風平浪恬則君山浮僊如螺髻然故三樓望遠又以岳陽爲甲觀樓前水中產菱

黃川

洞湖

長府

石鼓





飯石質鬆而色如銀可療諸毒山上祠湘君夫人側有酒香亭
鄧毅井其三十六灣則湘流之曲也黃州府黃岡縣有赤壁磯
亦名赤鼻磯乃蘇子瞻所賦非孫曹戰處也三面臨水平沙淺
渚頽黎參差鷗鶩飛浴晴日遊之爲佳

詠瀟湘八景

每均時觀

卷八


滿湖夜雨



夜響起砧竹浩之楚

雲白曉來看沙嘴新

水添一尺



江天暮雪

長江浪滾雲烟里
花爭飛可憐橫流
者孤舟一笠歸



美 人 者 何 虞 盈

陽 秋 永 遠 雪 外

鍾 日 落 蓦 山 眇

月洞産秋



天水本自空圓月况
砾映晶二起霜色子
里一懸鏡

遠浦歸帆

帆



秋風五兩席點三聚湏
散不作小三鳥飛三連
江雁

平沙落雁



西風萬里一葉

洞庭秋月浸虛

沙軟滿浦含紅葉

流

山寺晴



早晴追夜嵐
晨炊翠

猶湿但聞山鳥鳴而見

鳥入

魚村夕照

漁村夕照



集

七

萬葉堂

西陽下洞連網集清

潭上一丈黃金鱗可

見不可網

鰐眉山圖說

自眉州十五里過蘇稽鎮爲彭山縣西行五里爲聖積寺左重廊翼然爲老寶樓署魏鶴山峩山真境四字則登峩第一山門也又有龍神堂涼風橋數里爲解脫坡高山大崕深林巨澗度溪橋爲華嚴禪寺寺北爲青竹橋檣木坪上五十三步一平臺可坐數人覆以翠竹爲歇鳳臺云接興隱處前有一石遠伏山口如舴艋爲普賢船又前片石踞之路側爲大峩石後有石金峙下深成井水自石井灑灑出爲玉液泉石鑄陳圖南福壽二字西數里爲呼應臺則茂真尊者與孫真人精舍也北數里倚白雲峰爲中峰寺上大坂凡三望乃至三望坡下坡抵壑雙溪





合流障以石山如葫蘆出物極其奇爲牛心寺寺後緣巖簇抱
巖虧天日景幽絕不類人間右過十二峰爲九老仙人洞寺左
右爲雙飛橋橋流合處怪石磤砌怒瀑出其間一石懸峙爲牛
心石兩石崖夾飛濤而去乃峩山最佳處再歷危磴爲白龍洞
洞兩翼樹楠千本空翠欲滴上四會亭爲白水寺有宋興國鑿
普賢騎白象相傍有三千鉄佛廊廡鱗集此皆山之北麓從寺
後南上一千步爲頂心坡心者足行與心相看也又一千五
百步爲息心所左右俱瞰空壁有大小深坑坑窮無磴道板緣
嶮巇而上五里許爲長老坪偏山左行爲鶯店下深谷如井爲
九嶺岡既下又起爲蛇倒退入下至谷乃上仰孫梯路絕則倚

木棧懸接之十里餘至一坪爲初歡喜亦稱錯歡喜也千年木臥路側古苔青挂又升高餘八里爲木皮店以此地十日九霜雪陶瓦龜拆覆屋皆以木皮故名再下石壁橫亘數十丈爲梅子坡坡長與木皮等至高處稍平爲白雲殿殿陡崖萬丈縫崖爲雷洞坪崖石臥路盡青碧賦理玲瓏如琢與古楂老樹相盤錯虬龍虎豹兩欲鬪巧崖斷處下窺無際杳然深黑世傳雷神居之間人語聲則風雨暴至舊樹一禁語鐵牌下有十二丈洞穴人不得至也過雷神洞而上長十數里險峻猢猻梯過之爲八十四盤盤盡則一石穿雲而立爲觀音岩岩前樹抱石而生藤蘿纂髮爲普賢線岩傍巨石如門又數折爲莎蘿坪爲大

歡喜過歡喜亭無復崎嶇南爲通天堂又南爲老僧樹樹兩岐
直至枯而空中一游僧來定焉復榮抱爲一右折二石臺天開
一罅爲天門石轉而爲七天橋蓋瓦屋九天也三殿先錫瓦次
銅瓦絕頂爲鐵瓦皆像普賢名光相寺前一山衣白躋嶺僅在
咫尺爲西域大雪山浩刦積雪不消去此蓋數千里初陽射雪
色更熒熒照人如沁肝膽月明之夕有聖燈自一峩來如亂螢
數百撲之皆木葉山前時現佛光狀如寶鏡紅黃紫綠暈其週
春夏時有鳥稱佛現食人掌中寒卽不來一黑貂盤桓欄楯見
人不怖山後岷山萬重近瓦屋遠晒經側爲青城玉壘縹渺中
爲火燄葱嶺餘山皆望墨硃勝通天觀有大藏寶幢臥雲庵有

三大師所傳西竺像文殊普賢毘盧觀音大士則頭陀而累頭
入中國變相異山有放光石色如水晶而六稜從日隙照之虹
光反射

三峽圖說

重慶府石城天險依岩而立巴縣明月峽石壁圓孔形如明月
高四十餘丈溫湯峽懸崖湧下騰沸如湯鄆都縣平都山道書
第十八福地山橫堵圍邑後唐斷碑五段書洞天道山字置山
門漢王方平陰長生于此上昇亭塑二仙圍棋像如生忠州石
寶寺有石蹲山頂高十數丈濶倍之遠望如天柱巴陽峽長二
十里夔府入陣石在魚腹上左右八磧其一尚在廟滅間謂六
十四蘊者非左復壘石爲城形城東一水爲左瀼數里爲杜公
艸堂又數里有城跨二山古白帝城也左山昂據爲赤甲對江
爲白鹽江水奔流如在石罅中出下白帝一石堆嶷然踞瞿塘

三峽圖





口爲灔澦盛夏雪消水沒灔澦頂如象馬則峽封舟峽人以此爲水候漸入削壁仰天一線昔人謂非亭午不見日景固然數里石剗成窗見箱形俗稱風箱峽卽瞿唐峽也兩崖對峙中貫一江二十里出峽爲巫山中峰屏立兩翼如刀戟成巫字與江水稱巴同高唐觀在山頂上二十里復入峽中峽更奇峭石未遠見明星迫視之隙光也土人呼爲彈穿峽出峽爲神女廟正對巫山其他崖壁方者銳者什者蹲者傾欲墮者爭相獻奇巴東縣綿構據山勢亦宏壯歸州卽古秭歸也以屈原姊女媭而名州前石銛利矛立水涯成盤渦舟入不出名渦那吒灘亦名入鮓甕黃魯直謫涪云命輕人鮓甕頭船行近鬼門關外天是

也今改爲瞿門開在巫山路上去州一里爲蓮花灘又爲石門
灘又十五里爲香溪相傳昭君綠粧處溪中魚洞生成幢幡日
月禽獸之類天下岩竇巧莫過之自此爲空舲峽卽兵書峽長
十餘里絕崖峭立飛鳥不能棲出峽口爲新灘嘉靖間山崩而
發故名二灘上下浪激如飛震雷轟夜鳴每一舟下灘後舟始
發恐卒遇石磽難解也再一峽爲馬肝峽出峽爲黃陵廟廟後
山數疊如屏中疊有丈夫牽牛道水影則黃牛神也孔明會誌
其事于廟廟左右石壁環江排列數十里如芙蓉城記云朝見
黃牛暮見黃牛三朝三暮黃牛如故黃金藏在石碑峽中過南
津關爲夷陵州以險至此而平也大約行川江三千里都如石

峴出三峽中視之更顯

四川棧道圖說

寶雞古陳倉縣也出縣南門度渭水十五里至鎮關尹喜故宅在馬沿溪直入白石疊上可掘又十里爲棧道高坪插雲頽以陳寶重關卽大散關也關下水北流入渭南流入漢堪輿家謂爲中龍過脉云下平坂虎豹畫夜伏道傍二十餘步則起獨樓雜以檻穿卽二三烟突聚落亦斫木爲城環遯之自東新店過偏橋路絕處插杖崖巒間偏山架木下臨白水江源始真棧也自寶雞至此覆屋咸以板真西戎俗矣又上下鳳嶺五十里至三坌三坌者一去鳳一去褒一去郿也郿道在叢山枯木中昔孔明出斜谷卽此郿南北水各入白水江陳倉路嶮巇僅容單

棧道圖





人西行二百里爲汙之百丈波韓淮陰廟修棧是暗度雙谷者
是三十里爲松林驛十里上柴關復下十里爲紫柏署前列雙
峰左山深處有寺樹石蒼翠錯落棧中第一勝地也出署平沙
如砥晴雨皆可人此地青山夾馳綠水中貫豐林前擁疊後
隨去來杳無其跡黑龍江深處約二丈餘皆巨石激湍時有小
鷺鷥千百爲群飛立水際盤石上青橋岑嶽難步又三十里上
七盤盤盡爲鷄頭關一石如鷄冠起逼漢下俯江水出玉石盆
兩崖突兀爲出棧最奇處鄭子真駢馬稱鄭谷也

兩河圖說

自桑朝水過涿州爲華陽臺過安肅保定入慶都多馳道中起
夾以女墻高柳參天綠陰成巷歸鞍去馬六月無暑自真定渡
滹沱河爲灤城灤武子故邑城不三里而儉未至柏鄉十五里
有光武廟三石人斷臥荆棘中云光武渡滹沱時夜行問道以
爲人也手刃之次日皆石當是高帝斬蛇故智內丘有國士門
豫讓橋臨洺關有冉子祠洺漳咸出晉地穿大行而東爲邯鄲
道故盧生夢黃梁處邯鄲城有蘭相如回車巷城外古靈臺曹
操七十二疑塚過漳河爲銅雀臺臺下漳流如故湯陰卽古湯
陰不十里爲文王羑里廟演易臺出蕩陰五里道樹扁鵲墓碑

兩河圖



兩河圖二



又十里名宜溝則子貢故里也衛輝縣門山山一平阜左阜有
孫登嘯臺右乃康節安樂窩臺下爲衛源廟廟下珠璣萬道清
鑑毛髮爲百門泉中有湧金亭蘇長公書也亭畔白楊如抱奇
古可愛洛城北邙後艮伊闕前起崧岳峙于東南洛水汭乎東
北瀍東澗西伊來自南真帝王四塞都也邙山橫亘四百餘里
故河不內侵而塚累累若林一鉅塚人伐其南不得入云漢明
帝陵也俗善伐塚洛中塚匪直陵寢節將相勳戚之家類延袤
里許又多設機穿其法不盡傳俗遇敗塚刻其門洞而居稱竈
其穴山壁而棲者亦稱窑自此崎嶇山谷中路僅一綫至潼關
乃止函谷關在新安乃漢武爲樓船將軍楊樸移而東者汚池

在城西門秦趙所會地也次破石次張茅自此北去四十里則爲三門兩岸怪石橫截河堯時河上溢禹乃鑿人神鬼三門以洩之前爲底柱巘崿起又前巨磧星布河出門過磧勢如震霆聲聞數百里故不可舟也不知漢時何以通漕于此謂各有月河云河北乃中條山起蒲坂接大行護以土山與中條俱起山麓二小邑對陝爲平陸對闕爲芮城橫轄河濱數十百家耳五十里至魏野草堂有樂天洞遙山之北麓十里至陝州河邊城比如環此本古虢州周召分陝以治處召公祠一枯棠倚池頭尚餘二幹云召公棠也城如龜脊中無水東一小池自交口引至灌池中乃從東麗譙上過祠前鑄鐵作二翁仲似千年物自

陝至閼亦皆行山之北麓與河之南涯不十五里爲函谷關
正老子西度田文東出處今無矣五十里至閼鄉有軒轅鑄鼎
址前一穴如井名九龍窟云通大行貫河而去人聽之風聲訇
訇然入城有王濬故里城枕泰山腹西接太華東抵洛陽誌云
秦頭魏尾故稱秦也潼關據高岡俯河流爲陝咽喉故其爲戶
府直隸大名此 祖宗深意十里爲楊伯起墓墓面華背渭卽
送行折柳莫佳于此岳廟前有唐柏五株其一寄生槐已成抱
門作五樓橫絡之暗吁蔽雲日歷渭南行數十里爲新豐市乃
漢南所築徙豐人以居者粉渝雖亡其鎮故在亦卽鴻門坂楚
漢會處也又十里爲驪山東西且五十里古驪戎國始皇滅之

而塚其下今陵土尚巋然規千畝前峙二丘抑其墓門也始皇
答李斯云鑿之不入燒之不難須扇行三百丈宜牧羊兒火一
月不燼矣西行十里溫泉出焉山壁立臨潼之南門下爲二竅
水正溫倒可浴亦可溉灞橋卽灞陵水名灞以秦旌童霸功李
廣屏亭尉項王屯灞上皆此二十里乃長安城東門十里乃阿
房未央宮址又五十里爲咸陽城山南水北咸在城之陽故曰
咸陽地多漢陵不可識城後高原橫亘二百餘里興平卽古廢
丘道左有太眞墓墓前白石如菽名楊妃粉人言墮粧所化也
得之可除面斑目翳鳳翔城東南隅爲三良墓四十里爲汧陽
此汧入渭處名底甸前對南山三十里爲宮則長春真人煉丹

所也數里爲磻溪有太公釣石足跡依然甸倚西平原環原夾渭而行又數里爲祀鷄臺志稱秦初祀鷄鷄以夜來聲臺更如流火也二十里爲靈原原有金臺觀張三丰日衣卽杖故存原轉西則爲寶雞縣古陳倉也再西爲大龍山其坂九回七日乃可至巔俗歌云隴頭流水鳴聲幽咽遙望秦川肝腸斷絕泌陽鄧河鄧通故居也通一嬖倅名傳至今南陽西八里則臥龍岡草廬祀諸葛武侯像猶翩翩神仙人也門左有諸葛井井欄石繩轍卽十數過數之數各異岡僅僅與人首齊非幽岑邃谷不知武侯曷從避亂至此或云南陽乃襄陽墟名非此也岡稍北爲百里奚墓墓有七星石次召信臣舊堰次裕州搬倒井

井泉飛漏清沁人齒牙早涼不變過卽昆陽城乃巨無霸
虎豹戰敗地葉城西爲孔子問津處後有嚴光祠明王士性謂當
祠沮溺于中與光爲三隱寶豐香山寺云大士示現之所亦爲
自司馬九老會地由汝州取道登封轉轢轢嶺則輩東行則爲
虎牢關今爲古崤關卽成臯教山乃秦所置太倉酈生所爲據
其粟處益而東則爲鴻溝尚有址焉一山平列爲廣武山山東
西二城其下卽楚漢提兵百戰相拒地名古戰場古陽城有周
公測景觀星二臺臺後石製量天尺刻周尺一百廿尺登臺視
天心猶之乎燕與閬臺面箕山上有許由塚歲飢諸惡少發之
石柳發輒合密東有軒轅三女墓一白松三岐長百尺色如傳

粉而綠膚葉勁如鐵亦數千年矣墓前土蓬厚尺許水如提壺
注下縣迨官石皆蒼質白理不亞太湖中牟五十里爲甫田數
昔周宣王會東都講武地今高者居低者田窪者潴湖不復成
藪矣中有列子故居在焉大梁夷門今止夷山一阜漢梁孝王
修竹園鴈鷺池無一存者考之志云兔園正隸歸德乃汴東南
城外又有孝王平臺亦名繁臺又爲師曠吹臺日落登之清風
泠泠如絲竹至臺有大禹廟第制狹不稱所以報禹者廟有李
子碑又祠李白杜甫高適三君子今益以李何二君從其地也
地東南則隋煬帝引河入汴故道城東北爲壽山艮岳宋徽宗
以花石綱縻天下力供之而株木片石俱廢城北爲周王府因

朱仙鎮也城內寺廟多相因鑄塔一寺最修麗城外去黃河
十里作大堤環護之周八十里樹陰夾道行堤上不論晴雨皆
可人城北有蓬池或云尉氏亦有蓬池竹林七賢僅有碑在而
黃公壚不知何地未至尉氏四十里則朱仙鎮有祠祀岳鄂王
許昌一祠爲雲長舊宅蓋降操秉燭達旦處郾城爲桓公盟召
陵故城今亦廢

新鑄海奇觀卷九

錢唐臥遊道人

太和山圖說

太和山一名武當地隸均均春秋時麇國也道書稱玄君降于
神農之世爲淨樂國太子乃亦治麇緣是上昇我文皇感而
尊爲帝時賜名太岳聚南五省之財用八二十一萬作之十四
年而成肅皇復尊稱玄岳欲以冠五岳云云武當者則水經
已先之矣志稱山擁七十二峰三十六岩二十四澗周環八百
餘里謂此天下名山非玄武不足以當之然哉山既以擅宇內
之勝而帝又以其神顯四方士女持辦香戴聖號不遠千里號

太和山宮觀總圖





拜而至者蓋肩踵相屬也

官觀總圖說

天柱峰絕頂爲太和清微宮朝天宮黑虎廟隸焉太和下二十里值山腹爲南岩太玄觀烏鵲廟榔梅祠雷神洞滴水岩仙侶岩隸焉南岩東北行五里爲紫霄福地殿復真觀龍泉觀威烈觀隸焉北行三十里爲五龍隸之者行宮仁威觀老姥祠自然庵隱仙岩靈應岩凌虛石也紫霄東行四十里下平地爲玉虛隸之者關王廟太上岩玉虛岩回龍觀八仙觀也玉虛之東五里爲遇真元和觀修真觀隸之又北十五里爲迎恩續創無所隸又北四十里爲淨樂入均城中領觀曰真武則遙置于樊城

者也以山之高下言先太和次南岩以宮之大小言先玉虛次淨樂棟宇之盛蓋曠古所未有也賜額治世玄徽蓋與天而無極云

太和宮圖說

太和宮在天柱峰峰之極頂則宮之正殿也元時有銅殿一成祖文皇帝創修之日以規制弗稱乃撤置于小蓮峰改治銅殿飾以黃金復範金聖像于內殿左右益以飛棧爲更衣二小室殿外爲臺臺外爲檻檻外爲紫金城城闕東西南北天門以聚天闕巖然上界五城十二樓也自南天宮出右折爲朝聖殿爲鐘鼓樓又下爲元君殿爲聖父母殿爲誦經堂爲直官堂爲神厨爲龍池爲龍廟又下西折爲方丈爲廊廡爲齋堂道房復自故道折而北上爲朝聖門旣度復東折而下數十百級遶出天柱峰後爲三天門又下數十百級爲二天門爲摘星橋復折

太和宮圖



金殿

西天門

南天門

安堂

真官

神厨

庫

殿

開美宮

方丈

尚微

殿

殿

殿

殿

殿

殿

而西下數十級爲一天門爲檻大小總五百二十永樂十四年
落成賜額太岳太和

清微宮去本宮七里卽清微妙化岩張三丰修煉之所永樂上
年建爲宮迤西偏別築妙化巖朝天宮去本宮東六里一天門
下黑虎廟去本宮三十里九渡澗之上相傳玄帝修道之時堂
有黑虎巡山乃北方天一之所化護國鎮山之神也廟設黑虎
神像天柱峰一名參嶺根插黃泉頂冲霄漢高出群峰萬丈居
七十二峰之中上應三天當翼軫之次府眺豫雍之野山川之
遠無不在目晨夕見日月之升降頂西九丈南北二丈四維
皆石脊如金銀之色地生異草細葉延蔓秋冬弗凋其味頗辛

怪松數株盤桓如龍蛇之狀高不滿丈許南峭壁下有池如井
名曰天池其下石門三所曰三天門皆插空萬仞顯定峰在大
頂之北翠巘倚空人跡不及獅子峰狀如獅子卽尹喜所棲處
皇崕峰上應太安皇星天下一岩曰皇后巖聖母善勝天后尋
真暫憩于此故名小筆峰在大頂東孤峯卓立如筆蠹石峰在
大頂西北上有石土地踞虎而坐貪狼巨門祿存文曲廟貞武
曲破軍七峰俱在大頂之北若北斗拱極之象南有常春岩向
廟高敞常如陽春西有硃砂岩石爲日華所燦色如硃砂北有
北斗岩夜漏清寂惟聞鳥猿嘯月之聲中笏峰在大頂北石如
圭瓊韋類進翹之勢千丈峰在大頂西群山之下巍然獨出

其右萬丈峰在大頂東北大蓮峰小蓮峰在大頂西相望金秀
亭亭然如芙蓉初發隱映清波春夏之時翩娟尤絕大筆峰小
筆峰相峙于蓮峰之間落帽峰在筆峰北漢時戴孟飛昇落帽
于上下有石橋白雲峰在大頂西紫蓋皇崖東西互拱下有岩
曰白雲傷一石穴如星曰星牖陳希夷避召三遷于此仙人峰
隱士峰在大頂南神仙出沒人多見之或槲衣披髮或奇形異
相手足爪甲各長五寸或坐盤石或灌澗濱真氣逼人不可相
近恍惚不知所在大珊瑚峰在大頂西上有庵曰王母宮中鼻峰
聚雲峰手扒峰竹篠峰槎牙峰俱在大頂東南一嶺南飛五峰
分布有徑曰主簿嶝當勾房往來之道石甚峭發人皆側足而

行來雲峰下一岩曰集雲龕門峰在大頂東南嵐烟瘴霧清晨
如炊九卿峰在大頂南伏魔峰卽大小鬼峪澗常見靈道巨蛇
遊逶上下玉筍峰群峰裂地而出有新篁未擇之象北爲鷄冠
嶺南澗之外卽房縣界有碧峰岩柱笏峰端如搢笏大夷峰坦
然如掌把針峰在大頂西岑小而高昔元君飛鐵杵之地丹竈
峰狀類偃月昏曉之交有清烟紫靄如丹竈然天馬峰在大頂
西百里一名馬嘶山一名西望峰卽武當來山按圖記山自乾
兌發源歷關隴金房之地盤亘萬里當均房官道中有龍井深
不可測從西澗發源迤西下一岩名曰天馬岩行旅多宿于內
俗呼崖屋鷄鳴峰鷄籠峰在天馬峰北當均房官道曰大雞鳴

小雞鳴下即金雞澗會西澗之水夏秋水漲商旅經月不可渡
諺曰上得馬嘶山四十九渡不會乾風岩在大頂之下萬虎澗
濱石穴噫氣響震林壑武當澗在大頂東會黃崖諸峰之水北
入于紫霄洞西澗發源馬嘶山龍井社出于澗鬼谷澗在大頂
南會山南諸峰之水東入雙溪雙溪澗會東南諸水過浪河西
北入于漢參斗泉在蠹石峰南石巖下有二井上應參星試劙
石在二天門內一石中分爲真武試劙處金星銀星二石出大
頂上研爲末可治心神不寧青崖在太和山北瓊臺在大頂東
南其峰矗立亞于天柱天池卽白龍池在大頂南削壁下摘星
橋又名會仙一天門上橋當兩山缺處上瞰天柱下臨絕谷谷

中仰見人行如在天上白雲橋在白雲岩南

南岩官圖說

南巖官卽天一真慶官故址南列天柱諸峰北瞰五龍頂由都
梅祠右行南崖百餘步度北崖升自南天門循山左支行數十
步折行右支百步復折而左入小天門並崖平折而行過大巖
王爲大殿畢諸楹山復起突爲小阜爲圓光殿殿下則黑虎岩
也從大殿後左折而東二十步折而陟崖上方轉西行過元君
殿爲南薰亭亭外有石枰從衙十八道類俗所彈者傳爲洞賓
故物復從元君殿折而下自是直東過磚室一曰獨陽巖石室
一曰紫霄岩刻龍頭橫出欄外四五尺其傍崛起來中者爲
禮斗臺崖上片石刻靈官像高可五寸許亂置小竅中云數五

南嶽宮圖





百云又東爲風月雙清亭亭外亦石枰一復從故道抵大殿後
西望捨身崖若垂天之翼其上爲飛昇臺臺下爲試心石又下
爲謝天地巖殿金山爲赭室一神厨一碑亭二泉二曰甘泉甘
露池二曰大一天一殿之前偏右爲方丈從方丈左折行堂後
其上分爲二道左爲五師殿石穿道院中爲圓堂浴堂滄水庫
泡池上有小間道可通鉢堂由鉢堂陟翠微折行山之後則爲
欵火巖又轉而前平行山上北折則爲崇福巖爲櫺大小總六
百四十永樂十一年落成賜額大聖南岩

大玄觀去本宮東北二十里古老君岩山門庵也內設大上像
烏鵲廟去宮東北二里南天門之下相傳真武修道時有烏鵲

報曉于此故建廟以祀之榔梅祠去宮南一里玄帝嘗折梅枝
寄柳樹誓之曰道成當結實已而如其言雷神祠一名歛火岩
去宮百步北山之巔石如火焰樹如龍爪中有靈池水能療疾
卽鄒天君修煉處滴水岩去宮西北五里岩內鑿石爲池泉水
下滴不輟仙侶岩去宮西北六里爲真武會諸仙處聳翠峰在
五龍頂南三山次列如疊字金鼎峰在疊字峰西形類鼎峙時
噴雲烟下有岩曰藏雲健人峰在大頂東北如天丁拱立之狀
下有岩曰道者岩紫霄岩一名南岩在大頂北獨陽岩在紫霄
岩右崇福岩在南天門裏黑虎岩在黑虎澗上大林巨石黑虎
所伏之地謝天地岩在南岩西飛昇臺下百花泉在仙侶岩昔

閩幼安得道于此甘泉在本宮一名泓泉試心石在謝天地岩
上飛昇臺節更衣臺在官西百步禮斗臺在紫霄岩下甘露井
在大殿前梯雲橋在榔梅祠上步雲橋在更衣臺天一橋在北
天門外天一池太一池滄水庫池在本宮內

紫霄宮圖說

紫霄宮在展旗峰下故紫霄元聖宮今名香火殿之西宮前曰三公峰五老峰宮前之左曰日池右曰七星池宮後之左曰月池右曰真一泉東方丈之北曰上善池今更曰泉從殿後右轉峨山之椒根石壁爲龕者爲太子巖左爲蓬萊第一峰岩下爲小園亭下而出道院左復北上爲煉丹石出道院右復西上爲七星岩又上爲三清岩絕頂不可到其下爲榔梅園自榔梅園東下又轉而南上爲福地殿殿兩階下丹井二北爲萬松亭東爲賜劍臺相距不數武左右山斷而復起如小兒擎拳之狀者爲大小寶珠峰諸岩水合而東流于右脇者爲金水渠渠廣八

紫霄宮
圖





九尺北折過宮前抵小寶珠不得出鑿其頂以行爲後渠旣出復東趨大寶珠溢于其趾爲禹跡池池大僅一畝池上有亭北有橋舊傳神禹導水嘗至此故名爲楹大小總八百六十永樂十一年落成賜額太玄紫霄

福地殿去本宮南八十步七十二福地此其一也上近三公峰下瞰禹跡池前擁寶珠峰後倚歛火岩威烈觀去宮北二百步中祀威烈王王爲唐太守姚簡也龍泉觀去宮北一十里九渡澗天津橋之上玉虛觀之北復真觀去宮北十五里一名太子坡殿階下有聖母滴淚池紫霄峰在大頂東北曰作金銀之色竹本交翠巨虬異蛇盤穴其間脊爐峰在仙關之南浮嵐遶露

千態萬狀如香烟然九渡峯一名仙關在大頂東石徑蟠環白雲來去游人到此萬慮豁然展旗峰千仞如削宛然皂纛之形上有三清七星煉丹太子諸岩太師太傅太保三峰卽三公岩始老真老皇老玄老元老五峰在大頂東南卽五老峰五峰列居宛然筆架太子岩在宮後上倚展旗峰下瞰禹跡橋舊有鐵範聖像基址尚存黑虎岩在仙闕九渡峰南龍潭之上白龍潭在飛昇臺下龍潭之南紫霄澗黑龍澗自雲澗水俱入于九渡澗九渡澗水入梅溪澗黑龍潭在仙闕之上紫霄澗中二石高出下廣如屋潭深不可測大旱禱之立應真一泉在官右紫極壇在威烈觀下萬松亭在福地太子亭在太子岩前禹跡池在

禹跡橋南上善池在宮東方又禹跡橋在宮前通會橋在威烈觀南黑虎橋在黑虎廟南黑龍橋在紫極壇北天津橋在九渡復真橋在太子坡北

五龍宮圖說

五龍宮卽舊五龍靈應宮故址前列金鎖峰左遶磨針澗其宮東向逆折其門北向宮門內爲道九曲十八折殿二曰玄帝曰啓聖一殿壇合九重前五重爲級八十一後四重爲級七十二望之如在天上真所謂上帝居也殿前天地池二水從石龍口出焉左龍井三右龍井二碑亭二日月池二殿之左爲玉像殿殿內藏玉像五沉香像一殿右山坎大林下有石碑六一爲崇封真武誥碑一爲揭溪斯所撰官碑一爲揭溪斯所撰瑞應碑一爲戒臣下碑一什于地湮沒不可辨要皆元時所遺也官門左從曲道北折陟左山爲榔梅臺下而折左出大門外爲真官

五龍岩圖





堂爲雲堂自雲堂金山西行下小谷澗水出焉卽磨針澗也澗上有老姥祠官門右從碑亭下南折陟右山爲啓聖臺折而南下則陳希夷誦經處直下爲凌虛岩復從故道折而西上爲自然庵內藏文皇賜李素希青袍一衲襲裏各一呂公絲一庵前石作小池池上爲橋其頂爲靈應岩其外爲長生岩爲盈大小抱八百五十永樂十一年落成賜額興聖五龍

五龍行宮去本官北三十里茅阜峰下殿後有茅阜石仁威觀去官東北二十里香爐峰西老姥祠去官北百餘步磨針澗傍自然庵去官西五十步東有煉丹池水中巨石下一穴有龍居焉人常見之隱仙巖去官北十里竹闌之上一名盐石岩右石

棋局一橫鋪石上云尹真人彈碁之所夜籟澄寂常聞步虛玉
磬之聲靈應岩去官北二百步五龍頂上凌虛岩去官西南二
里許紫蓋峰在官南二十里夜有仙燈往來相傳神丹庵此松
蘿峰在紫蓋峰西松蘿最盛東北有岩曰臥龍岩桃源峰在紫
蓋峰北西南曰桃源洞東卽誦經臺舊有院今廢伏龍峰在龍
頂峰西下有龍湫五龍峰五峰分列中有靈池石廟一區曰真
源之殿卽五炁龍君神寓之所靈應峰在官後松杉接翠上凌
星斗隱仙峰在龍頂北前曰竹闕下曰隱仙岩陽鶴峰在龍頂
西北巨杉數株常有鶴巢其上眉稜峰在五龍頂西房陵登山
之路復朝峰卽外朝山也當房陵官道士十二峰俱拱天柱獨

此一山飄然外向金鎖峰在展旗峰北云真武鎖鎮妖魔之地
青羊峰在金鎖峰北下曰青羊澗七星峰在隱仙岩北竹關之
下一逕七里百步九折下卽五龍接待庵繫馬峰在接待庵西
北登山正路一峰特起卽天馬臺下有黑虎神祠會仙峰在仙
木舖地宋端平中曹觀妙迎三茅真君于此尹喜岩卽仙岩在
展旗峰北沈仙巖在飛昇臺西雲母岩楊仙岩在五龍宮東二
百步昔有花楊先生者居此年百餘歲人訪之卽爻避曰腥氣
觸我不容坐爾後不知所在仙龜岩在金鎖峰下石如神龜含
烟吐霧磨針澗在本官北一里有石橫澗濱若磨痕萬虎澗在
大頂北風雷一作如萬虎咆哮其水會于青羊澗牛漕澗自尹

喜石西入青羊澗桃源澗自紫蓋峰發源東入青羊澗黑虎澗
白龍頂會于白龍潭陽鶴澗自陽鶴峰穿林麓東入青羊澗金
鎖飛雲瀑布三澗俱入青羊澗會仙澗在五龍頂北會諸峰之
水北出嵩山入于蒿谷澗雷澗自疊字峰雷洞之水南合于五
龍澗白龍洞在竈門峰東有白氣如龍卽大雨如注白龍潭在
磨針澗下瀑布千丈有廟在岩內祈禱屢應又一處在飛昇臺
下潭黑而深起聖臺在宮東南按圖經玄帝奉天詔于此五龍
掖之上昇望仙臺在宮東北朝聖臺在飛昇臺西五龍池在宮
頂日池月池在天寶壇南廡後五龍井在本宮大殿前歷代投
簡之所青羊橋在山下磨針澗橋在老姥殿前聚仙橋在黑虎

澗隱仙橋在仁威觀上曾福橋在仁威觀前嵩口橋在五龍行
宮前豐和橋在嵩口石碑東

玉虛官圖說

玉虛官在展旗峰北真仙張三丰嘗庵于此語人曰此地他日必大興旣而去焉文皇物色之不得遂大其官以爲祝釐之所其中爲大殿殿之陰曰啓聖殿左曰元君殿又左曰小觀殿西塢西山下曰仙衣亭亭後磚室一曰張仙洞室外銅碑一左爲聖水池官前曰望仙樓樓外雪洞一石渠北曰齋堂石澗西曰浴堂官門左曰鉢堂宮門右曰雲堂西塢北曰圜堂鉢堂後亦曰圜堂澗東曰東道院山西曰西道院山門外真官祠二前左南向爲祀真武壇前右北向爲泰山廟宮外復有東天門西天門北天門八仙臺仙桃觀華陽亭蓮花池于凡方丈書房眉

玉虛宮圖





平定回疆圖

所厨堂倉庫爲櫺太小總二千二百永樂十一年落成賜額玄
天玉虛

關王廟去本官四十五里崇寧祠故址東有一泓泉西有飲馬
池太上岩卽大上觀去官西二十三里岩東刻天尊玄帝聖父
母聖師北極三聖三茅九仙真仙神將岩西刻鬱羅肅臺三清
四帝雷尊南北二斗三官五師嶽鎮海瀆仙靈東西有靈石二
泉玉虛岩一名俞公岩去宮西南三十二里九渡澗之上昔有
隱者俞惠哲誦經于此一老人常往聽之忽一日曰我東溟之
子誦居予是限蒲當得還此岩願奉仁者居之迴龍岩去官西
南五里山巒蜿蜒狀若回顧上有益人泉四時不竭八仙觀去

宮南二十六里高谷澗梅溪澗出爲淄河東靈石泉西靈石泉俱在太上巖巖高峻無水宣德三年于此纂修太和山誌岩東隴石穴下泉忽出已而巖西路傍石根下亦復出泉于是鑿砌成池清冽可食神泉在宮神厨後遇真橋在東天門裏源出九淵澗仙都橋在北天門裏游仙橋在宮左仙源橋在仙源橋裏西天門橋在宮西上有華陽亭下有蓮花池西山橋在西天門外北山橋在北天門外東山橋在東天門外登仙橋在東天門外南東萊橋在東山橋東

遇真宮圖說

遇真宮在仙關外去玉虛宮八里許左曰望仙臺右曰黑虎洞山水環遶若城然故名黃土城洪武年間張三丰結庵于此名曰會仙館宮東廊下灰像存焉永樂十五年建真仙殿山門廊廡東西方丈齋堂厨堂道房倉庫浴堂爲櫺大小總三百九十六是年落成賜額遇真



遇真宮



元和觀去本官南二里仙闢之裏昔玄帝有元和遷校府之名
故曰元和修真觀去宮東二里鴟鵞嶺在修真觀東上有太山
廟集仙橋元和西橋元和中橋元和東橋俱在元和觀前會仙
橋在宮前

迎恩宮圖說

迎恩宮在石板灘舊有關王廟蓋節襄官路也灘合山前諸澗之水聚爲一川雨久則潰潦四出行者病涉永樂年間創修本山時始建石橋成化二年大水他橋崩塌者多而茲橋獨完或謂玄武實相之乃治宮于橋南岸以昭神功中爲殿以祀玄帝殿左爲堂以祀啓聖真官殿之右爲廟以祀關王外爲方丈爲書房爲倉庫舍爲庖厨所爲道衆房爲楹大小摠二百八十成化十七年落成乞名曰迎恩觀十九年改賜爲宮

迎恩橋在本宮北券門外尋真橋在石板灘西南綾口橋在石板灘南一里許中橋在石板灘北五里許中和西橋中和中橋

迎恩宮圖






沖和東橋春和橋俱在廻蹊峪

淨樂宮圖說

淨樂宮在均州城中各官或于山于岩于谷獨此官于市蓋相傳玄帝之先曾爲淨樂國王淨樂治麌而麌爲均地故以名宮宮之中爲玄帝殿後爲聖父母殿前爲左右廊廡東爲紫雲亭西爲香錢庫三門外左右復創二亭以度 聖製碑右折而西爲方丈齋堂浴堂神厨神庫道房左折而東爲真官祠爲預備倉二門外左爲進貢廠右亦爲道房爲楹大小總五百二十永樂十六年落成 賦額淨樂

真武觀去本官三百二十里襄陽府城之北樊城之西舊有祠不稱永樂十年管運武當山琉璃諸物至襄陽小舟萬計泊祠



宮圖

淨巖

方丈

城隍廟

均州

蓬萊

儒學

御書

國主廟

翁敬

七宮下院

下時風濤方作頃之祥光數見水天一色謂玄帝顯應遂崇建
烏紫雲亭在官內東以玄帝降生時有紫雲彌覆故名其官祠
預備倉俱在宮內東香錢庫在宮內西凡鑄楮輸于山者悉算
以入累朝所賜鐘磬諸器皆藏焉進貢廠在二門外歲時取
土物以貢則董其役于此滄浪亭在州東門外漢江東卽古
孺子歌處左有觀音閣龍山在城南六里均州水口山也上有
玉皇閣後有禹王廟三義廟在山下三官廟在備用廠左龍王
廟在滄浪亭北濟渡處公用廠在城南備用廠在廠東半里許
神惠倉在州治西南蓮花池在州城南一里許七里橋在黃沙

由襄陽而穀城而界山草店則治世玄岳線楔在焉長岡綰穀
左右曠朗松杉滿門廊廡翼張爲遇真宮左廡鑄三丰真人像
豐頤皴領銳目方面鬚磔出如戰殊不類間雲野鶴山澤之癯
有斗篷扇杖各一皆範銅爲之乃真人所自御者人仙闈爲馳
道爲元和回龍二觀三十里爲太子坡坡根陂阤之險爲復真
觀練以周垣鍵以重關西行十里爲龍泉觀觀對天津橋流九
渡澗其下沿澗上除道曲折行則紫霄宮官告展旗峰若負辰
石嶂鐵色橫上方千仞前對圓門峰雲氣常如炊烟左右翼山
拱而出脚兩肩直爲大小寶珠金水渠寶小寶珠匯爲泓渟縹
碧名禹跡池亭其上池右山爲福地道書七十二之一也入宮

登百級之階池三日月七星泉二真一大善宮後山椒石靈處
名太子岩好事者爲畫蓬萊第一峰岩上又爲三清石劍不可
上其下則榔梅園歲貢實也園右萬松亭松杉翳天從此跨山
而去路甚徑杉木林分二岐從左則攀索而上天門從右十里
許至朝聖門則太和山山牙立七十二峰之中卽天柱峰也峰
頭南北長七丈東西半之玄武正位四神在列貯以金屋承以
華臺甃以石欄倚以丹梯繫以鐵垣護以金城闢四門以象天
門羊腸鳥道飛磴千尺香爐燭燭三峰鼎峙前席循城而下爲
元君聖父母諸殿天柱峰後有尹喜岩其三天門從山頂直落
如矢欄楯糾纏約五里餘爲摘星橋始可肩輿由榔梅祠抵南

岩岩壁崖之半爲宮從殿後左折大石延袤百丈如飛竇其下
前絕大壑蒼巖蒙茸正黑無底爲紫霄岩前一龍首石出闌
外瞰之膽落禮神者往往焚辦香於鼻從頸上望天柱拜以爲
虔東爲五百靈官閣爲雙清祠西爲南薰亭爲石坪一臺崛起
爲禮斗西則捨身崖上爲飛昇臺下爲試心石下南岩有滴水
仙侶二崖踰青羊澗西三十里則五龍宮宮在靈應峰曲東向
而北其門以逆澗水門外遠九曲崇墉盤旋如乘率然玄帝啓
聖二殿堵合九重前後百五十三級殿前天地池二龍井五右
廊陰日月二池如連環然日池色黛月池色緇左爲玉像殿紫
五蒼玉黃玉碧玉各一沉香一咸肖帝像高數寸云得之地中

去宮半里自然庵道士李素希舊隱也遇磨針澗則聖姥祠過
仙隱岩則玉虛宮宮內爲殿者三亭稱之望仙樓一齋堂浴堂
鉢堂雲堂圓堂五東西道院二遇真仙源游仙東萊仙都登仙
爲橋者六崇簷大榭高垣馳道鉅麗不下王宮紫霄五龍未能
先之矣出玉虛三十里則迎恩宮官在石板灘當鄖襄孔道又
十里則均州淨樂宮宮規城而半之然規模猶謝玉虛也山既
斗絕無尋丈夷曠之阿諸道流倚崖之半架木而栖栎枝借地
項與崖齊重樓層閣疊累以居如蜂房之結綴而纍纍也忽正
風刺刺起吹屋離崖駢肩動搖欲墮不墮正如坐樓船蕩漾于
驚濤怒浪中然彼了不爲意也蓋習之矣

新鐫海內奇觀卷十

孫錦西
稿卷十

錢唐臥遊道人楊爾曾輯

五臺山圖說

山在五臺縣東北一百四十里環五百餘里上有五峰高出雲表頂皆積土故謂之臺世傳北方有文殊師利所居之地曰清涼山者卽此也臺分東西南北中寺宇壯麗中臺高四十里頂平廣周六里頂西北有太華池取水禱雨輒應正東左畔去臺五里有雨花池前三十里有飯仙山卽中臺案也東南有鷲峰西側有甘露池下有玉亭寺歡喜嶺由嶺遂至絕頂東臺高三十八里頂平廣周三里頂東畔有那羅延洞僅容人身側入洞

五臺山圖





中風寒盛夏有冰五色光彩嘗從內出又東有樓觀谷內有碧
觀岩西北去臺十五里有華嶺巖仙人洞東南嶺畔二十里有
明月池人傳以紗帽幃目下覩或見月在水中西南有青峰一
名大羅頂南連望聖臺臺下有東谷池西南石上有羅侯顯迹
又有善才庵又東去臺有溫湯池溫泉寺西臺高三十五里頂
平廣周二里頂上有魏文帝人馬跡北有秘魔岩洞天陰中有
聲如風西嶺畔有墜崖身崖去臺西北有八功德水東北
下有文殊洗鉢池又有玉華真容圓通諸寺皆清幽曠遠寺傍
有三珠泉聲冽異常其沸正如珠狀去泉百步有七寶珠樹樹
高二丈許下爲一幹岐分七條上復拱會爲一然後枝葉衍縱

披覆四下南臺高三十七里頂平廣周二里南去七十里麓
有聖僧巖又名滴水巖西南二十里西崖畔有三賢岩又名七
佛庵東三十里交口下有聖鐘山狀如覆鐘西北十五里有清
涼嶺清涼寺嶺西北有清涼泉上有羅漢洞東北有竹嶺東北
十里有金閣嶺舊有金閣殿唐太宗所建今已廢北臺高三十
八里頂平廣周三里名披斗峰頂南畔有羅侯臺臺頂有黑龍
池卽天井南下二十里有白水池與天井連其麓有七佛池南
又有飲牛池東北有寶陀峰又名寶山產銀石礮又產天花菜
東北二臺麓有金剛窟又名金剛洞去二臺各二十里昔佛陀
波利入此不出云

桂海圖說

桂林無山而不屬石無石而不太湖無水而不嚴陵武夷茲特就人所已物色者而志之首獨秀山次疊綠次寶積次七星岩次省春次灘山次隱山六洞次伏波次白龍次虞山又次堯山而終以訾家州

獨秀山

山居郡城之中圓數百步高五百餘丈石山鐵色上下亭亭如削四無坡阜亦不與群山接上有雕欄畫閣翠幕形亭下漸月池登高俯視如坐危杌之顛四野碧參一目俱盡下有讀書岩五咏堂宋始安太守嚴延之故居也城中此爲勝今在王府



桂海圖

桂海圖

洞隱山六

西洞

華景洞

山石多

桔門

之
一

之
二

之
三

之
四

山舊在八桂堂後八桂堂已無考惟郡城直北重門夾山東行石文橫布五色相錯故圖經以疊綵名一洞屈曲穿山之背南北兩向如提連環土人又名風洞洞左小山曰千越右小支戰立曰四望亭其上南望則獨秀當前綉闈朱甍映帶城郭北眺則堯山積翠與灘水俱來加以夕陽返照虹亘霞鋪石山飛動片片如上人衣眞圖繪所不及也

寶積山

寶積與寶華連夾北城之西續以雉堞下開華景洞容二十餘榻前有橫塘百畝盈冬不涸朝陽夕霞浮綺在面唐元常侍亭

之曰岩光石屋前張比省春龍隱上則鐵壁無際祠諸葛武侯于巔洞向東與風洞對峙祖帳折柳雲集于茲

七星岩

岩峙江東里許列岫如北斗山半有洞名栖霞入洞石倒掛峻嶒捫壁委闇中百餘武已復大明下數十級更益宏朗如堂皇仰首見鯉魚躍洞頂正視之忘其非真也已過三天門每過則石楹垂立僅度單人過已則又黝然深黑目力不能窮束炬照之扇列萬形爲象則捲鼻臥爲獅則抱膝而弄爲駱駝則長頸而鞍背爲湘山佛則合掌立爲布袋和尚則側坐開口而胡盧半爲石乳萬古滴瀝自成巧千雕刻如水精狀半乃真石想初

亦乳結也其他如床如几如晒網如奕棋如魚如馬如佛手足
不得盡名風凜凜出嶮崿間雖傍烟炬尚寒慄又多岐路或云
通九疑山龍潭一水冽而深黑不得底業已可七八里忽復瑣
濤雪浪中立一圓阜丈許俗稱海水浴金山也怪矣近游者又
得一岐里許名禪房半壁坐一菩薩像黑石隱隱可七十房中
煖氣更融融也從此又東行見白圓光乃有一洞口出山之背
下慶林觀中多蛇虺獨洞中不栖亦若鬼神呵護之洞有玄
風彈丸爲左右翼

省春岩

岩在七星山之右如簷覆前有石乳承溜又如枯槎倒掛長七

尺餘桂林四際溪山不留寸土惟此平田廣墻一望豁如山勢
西東夕陽不入洞前甃以瑤臺圍以石檻右有小洞三穿山
而過架以層樓更衣燕息此延賓善地也

灘山

山據灘江之濱橫障江流與伏波鬪鷄峙前爲水月洞後爲古
雲崖軒宋方信孺故居也羽士構數椽祀方與范致能云水月
洞在灘山之麓其半枕江刹刻大洞門透徹山背頂高數十丈
其形正圓望之如大月輪江別派流貫洞中踞石弄水如坐捲
蓬大橋下大月輪之中又一小規穿山而南出暑月坐洞中風
颼颼起洞口真不減北窓羲皇也其下可以觀魚乘舟過之如

象掀鼻俗亦稱象鼻岩

隱山

出城西里許當夾山之南唐李渤闢通石林磴道若天造然因號隱山又云西湖中之浮山也湖今斥爲桑田山峙于陸山北高南下峰不露奇惟中藏六洞爲佳從東入朝陽洞有佛字山轉處溢一清池羃紩上之其半稍平石刻老子像又從左穿洞心懸汲而出井口其洞爲北牖圓標四楹正扼風嗌又轉爲白雀洞穿石峽而下爲夕陽洞爲嘉蓮洞旋而南爲南華洞自北牖至南華大小隨憩石穿窿處列十席小則具趺跏水漫流可厲弗可舟也

龍隱巖

岩踞江之東近七星山麓然不依附而自爲洞天以枕江流洞門高侔闕石上裂一龍形夭矯如生鱗鬚皆具其長竟洞其下水聲如三峽中盛夏入洞陰風淒清如坐永壺宋諸公多遊此剝石殆遍焉

伏波山

山迫城外屹立千丈趾沒于江流之西洞乃東嚮維舟始入洞前懸石如柱去地一線不合俗名伏波試劍石後漸潭水水落時石齒齒足玩水漲溢無奇也

白龍洞

繇關鷄山口別有派曰南溪峯小舟而入四壁峭懸蒼翠落人衣袂溯流南去高山麗空其半有洞躡衣而上洞口有物倒懸如龍首故名白龍入度石磴石室甃礲洞前朱欄小閣倚闌平磚綠遶碧流涓涓出藻荇間注橋而下卽李公所作新泉也山有二洞九室白龍當巽維其西北曰玄岩岩之上曰丹室白龍之右曰石室皆劙所名摠之俱讓白龍

虞山

山起城東北隔灘波左遼皇潭後承之亦名皇澤灣山下有韶音洞洞前平原舜祠在焉古松數十虬枝若蓋

堯山

山在城東北二十里連岡磅礴奄數邑界桂山百里皆石惟此
積土以成更益爲奇山上有天子田佛宇五層舊白鹿禪師故
庵地也天將陰雨先有白雲起山中登其巔則萬石疊于西南
灘江來自東北良足快也堯祠乃在山下不知所自始


訾家州

在灘江中土人稱爲浮州雖巨浸排山此州不沒亦借水月洞
爲勝今已鞠爲茂草矣

七星岩圖說

粵東西蓋有兩七星岩云桂林七星洞行十餘里景在內端州七星洞行止百餘武然負山臨水所在成趣拔其尤者爲勝有三二曰石室是山所得名也南闢一門石徑逶迤而入流水澗濁潦或成池龍井在東秉燭可入西轉梯磴而上乃有石觀音云纓綏紳珮揚袍戍削似立而過海者蓋懸崕石乳所垂幻也風當硠研入吹人欲舞從石罅北出岩背過岩秀亭擎舟而下二曰蛟龍窟在流霞島東先從小洞穿岩而至渡海筏處一石崕飛覆水上仰臥舟入空如堂皇洞口懸一石仰擊之作鐘聲三曰玉壺亭瀝湖數百頃澂澈可鑑奇峰四疊臨之從水底聳






石而上架湖心一亭坐石分雲乘風泛月亦勝景也又如過虹
橋之渚汎瀝湖之棹登臨天之閣弄寶陀之月酌流霞之島走
蓬壺之逕浮杯峰之玉搖仙掌之風拂寶光之岩騎青羊之石
招閒風之闌凭栖霞之亭坐水月之宮尋芳藉草亦無非佳致
矣

雞足山圖說

山峙賓川境內山面南卓立萬山之上前舒三距後伸一丈若雞足然者佛弟子大迦葉奉金縷衣入定待彌勒處也四周多童崗荒阜獨是山松杉鬱盤雲霞所留且饒名山錦卉祇園寶刹都房靜室無不潔修良亦婆娑淨土云渡金沙江緣山百里繇東南支入始入爲石鍾寺寺東數百步有黑龍潭水涓涓從葑田中流出寺僧謂鼓吹逼則風雨立辨試之不然石鍾西爲西竺庵庵後爲龍華寺寺與庵咸有傑閣聳起龍華後爲大覺長安僧無心所開山也過大覺則行穿萬松松蔭可人又一里爲寂光寺西百步爲水月庵又聖峰寺繇聖峰上爲迦葉殿山

鷄足山圖





自此純石疊綴人行礧道中步步喘息前後人膺趾遞相乘以
上過兜率庵袈裟石而後至銅佛殿殿西出側逕可平達華首
門東乃委險上猢猻梯梯無路僅僅崖石礧垂俯深箐絕處架
木杖長一丈接之猶非梯也梯乃石齒齶翫其芒上出廉利侔
劍戟承足石芒內噉其半半踵懸外惟瞰深箐故可上而不可
下上亦牽挽蟲縮而升里許方至土主廟則山之巔也入廟西
北指則雲間見麗江雪山西指則點蒼十九峰雄據不肯爲下
洱海蕩潏其前東南巒麓參差如風中濤咸在杖底循後距則
舍利塔倚廟背迅雷雨擊圮之北一里爲文殊閣又一里經東
身峽流石沒足過石基盤至伏虎澗又半里上禮佛臺東跨偏

又三里而度曹溪亦稱漕溪水紺碧一泓日供僧可三十餘衆
又東二里爲八功德水迦葉所卓錫處也又東二里爲華首門
門踞山半石規十丈如半月云迦葉入此安禪由銅佛殿而下
十里轉西南支入華嚴寺五里下圓信庵復下接待寺度洗心
橋抵賓川自華嚴下山松陰空翠掩雲日者又十餘里或云迦
葉定鷄足山在西域此山似之故說者借以標勝云

雲南九鶴山圖說

雲南者漢時五色雲見于南中是邑所得名也邑有九鶴山出郭北二十里山起九峻若禹鑄九鶴而列然涉澗納麓升自岫頂有此一亭超然臺亭則萬瓦參差樹影中乍見乍沒臺則盡宮琳宇懸構暎前若蜂房鳥窠累累然重累而綴循臺度逕老松擎雲入千尺翠色滴滴可餐已而爲凭雲橋桺杙岩阿虛閣度重棧以過軒然半首臨乎鳥道過橋爲古佛洞石竇嵌空琢五大士相附以危樓雕欄畫檻旛幢錯繡與朝日共麗洞傍有毘盧殿阿閣三重出西南竇跨偏仄搏羊角以上靈璫映楓山北有龍首塔深窈窕無底三教樓華嚴閣危梯百級螺旋始得

九嶺山圖



風景千見

丁本

丁本

風景千見



上四盼無所不矚側耳聽下方鐘鼓如身在鈞天之上山故有
寺乃開山僧驥聞天樂得古佛于洞中而創建者也

點蒼山圖說

點蒼山在太和縣治西五里凡十九峰連脊屏列內抱如弛弓然峰各夾澗自山椒懸瀑注爲十八溪山色翠黛殷潤歷秋冬不枯高六十里連接雲氣蒙氏竊據封爲中嶽上有馬河週廻萬步五月積雪皓然卽此山色也山本青石山腰多白石穴之臘如切肪白質黑章片琢爲屏有山川雲物之狀唐李德裕平泉莊醒酒石卽此產也其陽多山茶其陰多丹桂又有木蓮躉躉花樹並高數丈春日紅白錯雜被于谿谷中巖號雪山世傳爲佛苦行之地草石皆作旃檀香氣叢林列刹諸峰相望蓋舊在天竺福員之內爲阿育王封故國有三千蘭若茲土得其半

點蒼山圖

中和山

三塔寺

無窮寺

上例

溫室



焉今存者什一耳卽林阻谷奧而無猛虎毒蛇冬夏氣候調適暑至于溫寒至于涼而止故四時無日無花信福地也

自龍虎關渡天生橋爲珠海寺兩山千仞中虛一峽如排闥然由混混沌亭而升爲覺真庵北折入谷口爲寶林寺山茶特盛寺左爲圓海寺下北澗度石關爲鶴頂寺松竹廬軒洱波在席文陽映之餘波皆碧獨此處日光湧金時有鴛鴦群浴此卽點蒼十景之鴛浦夕陽也北循山坡有金相寺廢址有唐碑爲高僧講經處盤山脚而西有松蘿崖石洞幽勝崖畔爲感通寺有高皇帝詩十八章鑄碑山閣北行四里有昭文洞土人祀唐杜光庭于此西有一溪甃甃承流水色瑩澈其中石子粼粼青碧

璀璨如玉名曰青碧溪緣山麓北行二里至天臺有諸葛武侯
書卦石土人于石上建八塔以識侯之蹟云東行一里爲弘聖
寺有浮圖高數百尺或曰隋文帝勅建或曰阿育王北行二里
至茹蒼神祠翠微有岩異香酷烈廟後有問俗亭俯瞰城郭樓
觀海波萬頃下山北行二里爲三塔寺寺有七樓八殿有瀑布
溪懸流百尺其承流處有石如盤盤中有一石爲瀑流所激跳
躍如馬聲如雷鎚石壁上有朱字詩題刻千仞之上爲濺沫所
塗遠不可辨過此爲帝釋寺世傳空中隕石上有帝釋像今所
奉者是已舊聞茲地夜聆天樂故名其峰曰應樂北渡兩澗有
無爲寺寺有汝南王碑聲如玉磬清越可聽北岡有元世祖駐

蹕臺後人構屋其上軒窓洞越最堪游目每歲五月溪上日日
有雨田野時時放日刈麥插秧雨無所妨世傳觀音大士授記
而然南上里許有寺曰救疫山泉甘冽飲之可以已疫寺因得
名北去四里爲鶴雲寺寺有仙女池又北六里爲石雲寺沿溪
而西過獨石橋爲寶華寺其地多花卉紅紫轆轤自陽溪歷遺
愛寺有舍利塔入溪三里有一石門如圓月曰羅刹洞世傳觀
音大士閉羅刹于其中云又西行八九里至出佛洞又西六里
爲洞天山層巒疊嶂望之蔚然由上水關水月樓放舟遡島嶼
而南爲金榜寺又南爲青顛寺前有巨人跡南泛有崖飛出水
回曰鷄額山又南爲鐵雨崖云是羅刹欲荷監逐逝大士雨鐵

以止之是其迹也又南至赤文島云是大士買地券字如蠶篆不可辨識甘峰溪自南而北一曰斜陽峰南溪二曰馬耳峰草溟溪三曰佛頂峰莫殘溪四曰聖應峰青碧溪五曰馬龍峰龍溪六曰玉局峰綠玉溪七曰龍泉峰中溪八曰中峰桃溪九曰觀音峰梅溪十曰應藥峰隱仙溪十一曰雪人峰雙龜溪十二曰蘭峰白石溪十三曰三陽峰靈泉溪十四曰鶴雪峰錦溪十五曰白雲峰芒湧溪十六曰蓮花峰陽溪十七曰五臺峰萬花溪十八曰蒼琅峰霞移溪十九曰雲弄峰至此則山海相接環海之外復有諸山曰青巔鷄嵒玉几羅筌蘋藴龜蛇若拱揖西向點蒼其間石窟勝景不可殫數要之不若鎮山之奇麗云

十大洞天

第一王屋山廣一萬里高一百二十里名小有清虛洞天王震
杜冲爲小有洞主是也 第二委羽山廣一萬里名大有空明
洞天司馬季主所理 第三西域山廣三千里名太玄極真洞
天王方平所理 第四西玄山廣三千里高二千七百丈裴真
人所理 第五青城山廣三千里高三十六百八十丈名寶仙
九臺洞天昔黃帝問道希夷真君授帝瓏鱠處寧真人所理
第六天台山廣五百里名上清玉平洞天玄州仙伯治之所
第七羅浮山廣五百里名朱剛耀真洞天青精先生治之所
第八句曲山廣一百五十里名金華陽洞天紫陽真人治之所

第九林屋山廣四百里名左神幽靈洞天有金沙龍盆魚皆
四足吳王使龍威文得禹書處北樂真人治之所 第十指蒼
山廣三百里名神德隱玄洞天北海公劉涓子治之所

三十六洞天

第一霍撞山高三千四百丈廣三十里名霍林之天 第二泰
山高四千丈廣一千里名蓬玄太空之天 第三衡山高四千
丈廣二千里名朱陵太虛之天 第四華山高七千丈廣三千
里名太極絕真之天 第五恒山高三千丈廣二千里名太乙
總玄之天 第六嵩山高七千丈廣一千里名上帝司真之天
第七峨眉山廣三百里名虛靈太妙之天 第八廬山高三

千九百丈廣一千七百里名洞虛詠真之天 第九四明山有
二百八十二峰廣八十里名赤水之天 第十陽廟山一名會
稽山廣三百五十里名極玄之天 第十一太白山廣五百里
名德玄之天 第十二西山廣三百里名天寶極玄之天 第
十三大爲山廣三百里名好生玄上之天 第十四潛山高七
千二十丈廣八百里名天柱司玄之天 第十五鬼谷山廣七
十里名太玄司真之天 第十六武夷山廣一百二十里名昇
真玄化之天 第十七玉笥山 一名群玉峰高三千里廣二百
八十里名太玄秀樂之天 第十八華蓋山廣四百里一云四
十里名蓉城大玉之天 第十九蓋竹山廣一百八十里一云

七十里名長耀寶元之天 第二十都嶠山廣一百八十里
云百里名寶玄之天 第二十一白石山廣七百里一云七十
里名瓊秀長真之天 第二十二勾漏山高二百丈廣三百里
名玉闕寶圭之天 第二十三九嶷山廣三千里名湘真太虛
之天 第二十四洞陽山廣一百五十里名洞陽隱觀之天
第二十五幕阜山廣一百八十里名洞真太玄之天 第二十
六大酉山廣一百里名大酉華妙之天 第二十七金庭山廣
三百十里名金庭崇妙之天 第二十八麻姑山廣一百五十
里名丹霞之天 第二十九仙都山廣三百里名玄都祈仙之
天 第三十青田山廣五百里名青田大鶴之天 第三十一

鍾山廣一百里名朱日太生之天 第三十二良常山廣三十
里名良常方會之天 第三十三紫蓋山又名碧霞洞廣八十
里名紫玄洞昭之天 第三十四天目山廣一百里名天滌玄
蓋之天 第三十五桃源山廣七十里名白馬玄光之天 第
三十六金華山廣五百里名金華洞元之天

七十二福地

第一地肺山在終南山 第二蓋竹山在黃石縣 第三青嶼
山在黃陽縣 第四白安山在交州 第五石磕山在天台縣
第六東仙源在台州一云在東海中 第七青鳴山在東海
中 第八郁木洞在新淦縣 第九赤水山有白帝宮紫玉樓

在西梁國 第十丹霞洞在南城縣麻姑山頂 第十一君山
在岳州洞庭湖 第十二焦源在建陽縣 第十三靈墟山在
天台縣天台山頂 第十四沃州在越州上有峭峰三蒼蠻插
天 第十五天姥峯在越州 第十六若耶溪在越州 第十
七金庭山在朗州 第十八馬嶺山 第十九清遠山在廣州
第二十洞真墟在沙縣 第二十一清壇在岳頂 第二十
二鵝羊山在潭州 第二十三陶公山在瓊州 第二十四洞
真墟在長安 第二十五洞靈源在衛州 第二十六三皇井
在溫州 第二十七爛柯山在衢州 第二十八芹溪在建陽
第二十九龍虎山在貴溪縣 第三十靈山在信州 第三

十一白源山在惠州 第三十二逍遙山在洪州 第三十三

閣皂山在清江縣 第三十四始豐山在豐城縣 第三十五

金精山在虔州 第三十六白源山在南昌縣 第三十七鉢

池山在楚州 第三十八論山在潤州 第三十九毛公壇在

安英縣 第四十鷄籠山在和州 第四十一桐栢山在忠州

第四十二平都山在忠州 第四十三靈應山在鼎州 第

四十四彰觀山在澧陵縣 第四十五抱犧山在交州有岩滴

硃砂 第四十六大面山在蜀州 第四十七虎溪山在德安

縣 第四十八元辰山在都昌縣 第四十九馬跡山在丹徒

縣 第五十張公洞在武陵縣 第五十一玉峰在河中 第

五十二藍水在藍田縣 第五十三德山在武陵縣 第五十四天印山在和州 第五十五商谷山在商州 第五十六大隱在常州 第五十七漁湖在四明 第五十八中條山在河中第五十九司馬晦山在天台 第六十綿竹山在錦江 第六十一甘山在黔州 第六十二瑰山在漢州 第六十三金城山在古限戌 第六十四雲山在武岡 第六十五北邙山在洛陽 第六十六武當山在均州 第六十七女几山在三峽口 第六十八少室山在鄧州 第六十九百鹿在江州第七十西白在黃岩縣 第七十南田山在東海 第七十
二玉蟠山山接蓬萊山

海中名山

蓬萊山一名蓬丘一名雲叢在東海中高一千里廣三千里上有金臺玉闕乃神仙之都上帝遊息之地海水正黑而爲溟渤無風而波浪萬丈不可往來惟飛仙閣有到者 扶桑山在東海中去中國九十萬里山有木如桑長者數千里大者三百圍兩相扶倚同根而生故曰扶桑堪子甘香赤色千歲一實仙人採食體生金光飛翔太空有金鳳凰九色鳥其鳳一鳴天下鷗皆鳴日卽出矣 方丈山在海中高四萬七千丈上有太元之宮金槃玉髓飲之長生瑞禽奇木莫可名狀 滄浪山在海中高五百里廣三千五百里四面水皆蒼色乃仙浪也山上空石

芝生其中有紫玉石室 崑崙山一名崑崙在西海成地北海
中央地方一萬里去岸十三萬里又有弱水周圍遶匝山東南
接積石圃西北接北戶之室東北臨大活之井西南至城南之
谷積石圃南頭是西王母宮王母告穆王云此去咸陽三十六
萬里山高地平方三萬六千里上有三角山方廣萬里形如偃
盆下狹上廣故曰崑崙山四角一角闖風巔一角玄圃臺一角
崑崙宮一角積金爲城名天墉城面方千里城上有金臺五玉
樓十二樓臺相映如流精之闕王母之所治也

海上十渚

瀛渚地方四千里去岸七千里正對會稽一名環渚上有青州

丘翠水二仙官地生玉酒飲之長生產是吾之鐵鍊爲勿切玉
如泥神芝靈草人莫能述上真神仙居之 玄渚在北海中地
方七千二百里去岸二萬六千里有風山聲響如雷正對天門
地生金莖紫芝 長渚在南海中地方萬五千里去岸二十五
萬里一名青丘 流渚在西海中地方三千里去岸九十萬里
上有奇花異木瑞草靈芝 元渚在北海中地方三千里去岸
千萬里上有紫虛五館甘醴如蜜 生渚在東海中地方三千
里去岸二十三萬里上有仙家萬衆 祖渚在東海中地方一
萬里去西岸七萬里地生瓊田芝草名餽神芝其狀如瓜苗可
長數尺人歟三日以芝蓋面卽活 炎渚在南海中地方一千

岸九百里四面烈焰亘天海水爲之騰沸飛鳥亦不敢度上有大鼠毛長數尺仙人採毛爲布名火浣布又產風生獸青色如狸積薪燒之雖燄其毛如故觸風卽活漢時曾通中國鳳麟渚在西海中地方二千五百里四面有弱水毛羽不浮上多麒麟鳳凰故名上有青華之宮丹林素府聚窟渚在西海中地方三千里去岸二十四萬里上有大仙形似人鳥因名人鳥仙生返魂香樹大如桐柏花香聞數百里煉液爲香一曰驚精香二曰震靈香三曰返生香四曰旃檀香五曰精鳳香六曰却火香此六香實神仙異物人火聞氣卽活



此用清個自而拂拂素仰光凝彷彿藏本
姑葉母得前者墮櫟之記不禁懷想之
予內草半博物舉事急以厚存送京
誓還拂然萬卷惜無主者回憶都門
立賓客奉手書已成所夢多半記
於後用誌博念
丁卯年一歲五八年
十月十六日行仰先

